

# Gipuzkoako Aldizkari Ofiziala

24. zenbakia

Data 2009-02-06

4056 orria

---

## 7 UDAL ADMINISTRAZIOA

USURBILGO UDALA

2009an **kirol** egitasmoak burutzeko diru-laguntza oinarriak.

---

### USURBILGO UDALA

*2009an gizarte zerbitzuen arloan egitasmoak burutzeko diru-laguntza oinarriak.*

Usurbilgo Udaleko Tokiko Gobernu Batzarrak, 2009ko urtarrilaren 27ko bilkuran 2009an gizarte zerbitzuen arloan egitasmoak burutzeko diru-laguntza oinarriak onartu zituen aho batez. Eskariak, diru-laguntza deialdi hau Gipuzkoako ALDIZKARI OFIZIALEAN argitaratu eta hogeit eguneko epean aurkeztu beharko dira, biharamunetik kontaktzen hasita.

**Usurbil**, 2009ko urtarrilaren 28a.—Xabier Mikel Errekondo Saltsamendi, Alkatea. (996)

#### 2009. URTEAN GIZARTE ZERBITZUEN ARLOAN EGITASMOAK BURUTZEKO DIRULAGUNTZA OINARRIAK

Gizarte Zerbitzuen arloan lanean diharduten irabazi asmorik gabeko norbanako, erakunde eta elkartei diru-laguntzak emateko oinarriak, 2009. urtean zehar ekintzak egiteagatik.

Elkarteei, bestelako erakundeek eta norbanakoek udalerrian gizarte zerbitzuen arloan egiten dituzten ekimenak bultzatu eta sustatzeko asmoz, dirulaguntza deialdia arautuko duten oinarriak atera ditu Usurbilgo Udalak 2009. urtean zehar egingo diren jarduerak diruz laguntzeko.

##### *1. artikulua. Xedea.*

Ebazpen honen xedea da Usurbilgo Udalaren diru-laguntzen oinarri erregulatzailerak ezartzea, norgehiagoka erregimenean, 2009. urtean gizarte zerbitzu arloan egitasmoak burutuko dituzten erakunde publiko nahiz pribatuei eta pertsoneri. Eta hori guztia, Usurbilgo Udalaren diru-laguntzak eta bestelako laguntzak arautzen dituen Ordenantzaren III kapituluaren I. Atalak ezartzen duenari jarraiki.

Diruz lagunduko dena da gizarte zerbitzuen arloan ekimenak garatzea, baldin eta Usurbilgo Udalak edo bere erakunde autonomoek egiten dituzten ekimenen osagarri badira edo ordezkatzeko badituzte edo erabilera publikoko edo gizarte intereseko jarduerak badira eta, beti ere, deialdi honetan ezartzen diren baldintzak kontuan izanda.

Ez dira aintzat hartuko beste udal partida edo deialdietatik diru-laguntza jasotzen duten ekintzak. Ezingo dute dirulaguntzarik jaso deialdi honen bidez bere izaera eta helburuak direla eta udalaren beste arlo edo erakunde autonomo batzuen beste programa baten edo batzuen bidez bideratu behar zirenak. Dena den, dagokion erakunde edo udal arloetara bideratuko da eskaera, eta horren berri emango zaio interesatuari.

##### *2. artikulua. Onuradunak.*

Diru-laguntza hauen subjektu onuradunak honako hauek izan daitezke: Usurbilen gizarte zerbitzuen arloan ekimenak egiten dituzten pertsona juridiko zein fisikoak eta erakunde publikoak zein pribatuak, betiere, laguntza horien bidez erabilera publikoko edo gizarte intereseko ihardueraren bat gauzatzeko asmoa badute edota helburu publikoren bat lortzeko lanean badihardute, eta elkartearen egoitza Gipuzkoa lurralde historikoan egonik, zerbitzu hauen onuradunak usurbildarrak baldin badira. Usurbilgo udalerrian beren egoitza duten elkarrekin diru-laguntzak lortu nahi badituzte, Elkarrekin Udal-erregistroan inskribatuta egon behar dute.

Halaber, Usurbilgoak ez diren entitateek ere, eskatu dezakete diru-laguntza, baldin eta gizarte zerbitzuen arloan Usurbilen ekimenen bat burutzen badute eta izena emanda badaude dagokien Elkarrekin Erregistroan eta Udalerrirako interesgarriak direla iritzitako gizarte zerbitzuen arloko iharduerak baldin badira.

Salbuespenez, eta Udal Ordenantzaren 5. artikuluko 4. atalak eta 6. artikuluko 7. atalak zehazten duten diru-laguntza eskabideak 3000 eurotik beherakoak izanez gero, onuradun izaera izan dezakete pertsona fisiko edo juridikoen taldeek, publikoak edo pribatuak, ondasun erkidegoek edo unitate ekonomikoa edo ondare berezia den beste edozein mota, nahiz eta nortasun juridikorik ez izan, udal laguntza edo diru-laguntza lor dezaketen proiektuak edo iharduerak egin nahi dituztenean.

Merkatal enpresak deialdi honetatik kanpo geratuko dira nahiz eta euren jarduerak zerikusia izan gizarte zerbitzuen arloarekin.

Onuradunek beti ere, Dirulaguntzen 38/2003 Lege Orokorraren 14. artikulua ezartzen dituen betebeharrak guztiak bete beharko dituzte.

### *3. artikulua. Eskariak aurkezteko lekua eta dokumentazioa.*

Eskariak Udaleko Erregistro Nagusian aurkeztu behar dira Udalak horretarako jarriko dituen eskari-orrietan. Halaber, azaroaren 26ko Herri Administrazioen Arau bide Juridikoaren eta Administrazio Prozedura Erkidearen 30/1992 Legearen 38.4 artikulua aipatzen dituen lekuetan diren

aurkeztu	ahal	dira.
----------	------	-------

Diru-laguntza eskaera egiteko, dokumentazio hau ekarri behar da Udalera:

- Diru-laguntza eskari normalizatua (I. Eranskina).
- Ekintzei buruzko fitxak (II. Eranskina)
- Eskatzailearen NANaren fotokopia.
- Identifikazio Fiskalaren Kodearen kopia (edo NANaren kopia, hala badagokio)
- Gizarte Segurantzarekiko betebeharraren egunera egotearen eta Ogasuneko betebeharrak betetzearen agiria. (III. Eranskina.).
- Udal Erregistroan dauden datuak diru-laguntza eskatzen den unean benetakoak direla adierazten duen agiria. (IV. Eranskina.)

Erakundeak ez du zorrik izango Usurbilgo Udalarekin, nahiz eta honi dagokionez, ez den egiaztagiririk aurkeztu behar.

Edozein kasutan, aurre ikusitako ekimenari dagokion dokumentazioaz gain, entitate eskatzaileei behar besteko informazio osagarria eskatu ahal zaie aurkeztutako ekimena behar bezala baloratu ahal izateko.

### *4. artikulua. Epeak.*

Eskariak, diru-laguntza deialdi hau Gipuzkoako ALDIZKARI OFIZIALEAN argitaratu eta 20 eguneko epean aurkeztu beharko dira, biharamunetik kontatzen hasita.

Aurkeztutako dokumentazioa osatu gabe badago edo oinarrietako baldintzaren bat betetzen ez badu, hamar laneguneko epea emango zaio interesdunari akatsak zuzendu ditzan edo dagokion dokumentazioa gehitu dezan. Eta jakinaraziko zaio, halaber, hala egiten ez badu, bere eskaria ez dela kontuan hartuko eta, hala ebatziko da Herri Administrazioen Arau bide Juridikoaren eta Administrazio Prozedura Erkidearen 30/1992 Legearen 42. artikulua aurre ikusten dituen terminoen arabera.

### *5. artikulua. Diru-laguntzaren zenbatekoa.*

Dirulaguntzaren zenbateko osoak ez du gaindituko ondorengo partidetan azaltzen diren diru izendapenak.

Gastuak aurrekontu-partida hauetako kargura joango dira. Deialdi irekikoak:

481 01 01 Lehiazko **kirol**-taldeen diru-laguntzak.

481 01 02 Lehiazko ez diren **kirol**-taldeen diru-laguntzak.

481 02 01 **Kirol**-teknikoen prestakuntza.

481 02 02 Gazteen arteko sustapena.

481 02 03 Herriko **kirol** egitura sendotzeko laguntza.

482 04 Laguntza bereziak.

Araudi honetako diru-laguntzak bateragarriak izango dira dena delako erakunde publiko edo pribatuek xede bererako eman ditzaketen bestelako diru-laguntzekin. Edozein modutan, ez da gain finantzaketarik egongo, eta hala gertatuko balitz, diru-laguntza murriztu egingo litzateke. Gain finantzaketa gerora emango balitz, eta dirua itzultzeko beharizanen bat baino gehiago izanez gero, dena delako pertsona edo erakunde onuradunak dagokion parte proportzionala - itzuli beharko du Usurbilgo Udalak egin dion ekarpena aintzat hartuta.

#### 6. artikulua. *Prozedura.*

Gizarte zerbitzuetako teknikariak eta Ongizate eta Osasun Batzordeburuak dirulaguntza eskariak ebaluatu ondoren, teknikariak txostena egin eta Ongizate Batzordera eramango du, - batzorde horrek, aipatutako txostena kontuan hartuta, bere iritzia eman dezan. Ondoren, Dirulaguntzen Batzorde Orokorra ebazpen proposamena egingo du. Jarraian, interesatuari jakinaraziko zaio eta hamar eguneko epea izango du alegazioak aurkezteko. Azkenik, Tokiko Gobernu Batzarrak emango du dirulaguntzei buruzko behin betiko ebazpena, gehienez ere, hiru hilabeteko epean eskaria aurkeztu izan den egunetik zenbatuta.

Aipatutako epea igaro ondoren ebazpena jaso ezean, ulertu behar da eskaria gaitzetsi egin dela, gerora egin daitekeen ebazpenaren kaltetan izan gabe.

#### 7. artikulua. *Dirulaguntzaren Batzorde Orokorra.*

Dirulaguntzen Batzorde Orokorra modu honetara osatuko da:

— Udalean dirulaguntzak banatzen dituen batzorde bakoitzeko lehendakaria eta teknikaria.

— Udal idazkaria.

— Udal kontu-hartzailea.

Dirulaguntza Batzorde Orokorren funtzioak, besteak beste, hauek izango dira:

— Udal dirulaguntzak banatzeko irizpideak bateratzea.

— Dirulaguntzen legezotasuna bermatzea.

— Dirulaguntza bikoizketak ekiditea.

#### 8. artikulua. *Baloratzeko irizpideak.*

Sei arlotan bereiztuko dira irizpide hauek:

481 01 01 Lehiazko **kirol**-taldeen diru-laguntzak.

481 01 02 Lehiazko ez diren **kirol**-taldeen diru-laguntzak.

481 02 01 **Kirol**-teknikoen prestakuntza.

481 02 02 Gazteen arteko sustapena.

481 02 03 Herriko **kirol** egitura sendotzeko laguntza.

482 04 Laguntza bereziak.

1. Lehiazko jardueretarako (aurrekontuko 481 01 01 partida zk):

a) Likidazioetan, jarduerarentzako ezinbestekotzat jotzen diren gastu hauek, ondoko proportzioetan lagunduko dira:

— Lizentzi gastuak, herritarrenak % 50ean; herritarrak ez direnean lizentzietan taula honen arabera sustatuko da:

Antzintasuna lizentziaren gastuko proportzioa:

1 urte % 10a.

2 urte % 20a.

3 urte % 30a.

4 urte % 40a.

5 urte edo gehiago % 50a.

— arbitraje eta epaile gastuak % 25ean.

— jarduera egiteko beste kontzeptuak % 5ean.

b) Taldeko materialean izandako gastuaren % 10a.

c) Taldeak egiten dituen bidaien % 10a.

d) Aurreko denboraldi edo urteko likidazioen % 2,5a eta burutu nahi den aurrekontuko % 1,5a.

e) Taldearen **kirol** teknikoaren prestakuntza holaxe lagunduko da (taldean bat baino gehiago izatekotan batz bestekoa egingo da):

1. mailako titulua (**kirol** jardueraren begirale edo baliokidea) = 75,13 €.

2. mailako titulua (**kirol** jardueraren erdi mailako tituluduna) = 150,25 €.

3. mailako titulua (**kirol** jardueraren titulu gorena edo SHan tituluduna) = 300,51 €.

f) Jarduera erabat euskaraz zuzentzen bada (jarduera bat baino gehiago izatekotan batz bestekoa egingo da): 300,51 €.

Talde guztiei legokeenaren batura izendatuta dagoen partidaren agertzen dena baino gehiago izanez gero, proportzionalki jaitsiko dira laguntzak partidaren muga agintzen duen arte.

2. Jarduera fisikoaren bidez, gure kultura edota gure inguruaren ezagutza sustatzen dituen elkarteentzat (aurrekontuko 481 01 02 partida zk).

**Kirol** Patronatuak irizpide hauek erabiliko ditu dirulaguntzak ematerakoan:

— Partaideen kopurua eta beraien parte hartzea.

— Herritarrei zuzenduta eta hauen interesekoa izatea.

— Euskararen erabilpena.

— Jarduera kopurua.

— Fitxa kopurua

— Materiala.

Lehenetsuna izango dute kolektibo berezientzako jarduerak: 3. adina, haurrak, ezinduak, etorkinak, eta orokorrean, **kirol** ekintzetatik kanpo edo gutxiengoan egon ohi diren kolektiboak udaleko edo Udaleko edo herriko beste talde edo elkarteekin batera edo elkarlanean egiten den jarduerak izatea.

Talde guztiei legokeenaren batura izendatuta dagoen partidaren agertzen dena baino gehiago izanez gero, proportzionalki jaitsiko dira laguntzak partidaren muga agintzen duen arte.

3. Taldeetako teknikoak prestatzeko direnean (**Kirol**-teknikoaren prestakuntza 481 02 01 partida zk.)

**Kirol** Patronatuak ikastaroa egitea herriaren onerako dela irizten dionean, **kirol** hezkuntzako prestaketa egiteko ikastaroaren matrikula erdia ordaindu dio herriko talde edo elkarteari, horretarako dagoen partidaren zenbatekoa gainditzen ez den bitartean.

4. Eskola umeei zuzentzen direnean (Gazteen arteko sustapena 481 02 02 partida zk.)

Herriko **kirol** elkarte edo herriko taldeei begira, **Kirol** Patronatuarekin batera eskolako hezkuntza fisikorako begiraleei begira, horrelako taula osatu da begiraleen formazio eta ordu kopuruak kontuan hartuz:

- Astean 2 saio eta asteburuan beste bat, gutxienezko titulazioarekin, hileko 72,12 €.
- Astean 2 saio gutxienezko titulazioarekin, hileko 60,10 €
- Astean 2 saio eta asteburuan beste bat, gutxienezko titulaziorik gabe 48,08 €.
- Astean 2 saio gutxienezko titulaziorik gabe 36,06 €.

Hau horrela izango da, baldin eta partidaren zenbatekoa ez den gainditzen; gaindituz gero, proportzionalki jaitsiko dira kopuruak partidaren zenbatekoari egokitu arte.

5. Herriko **kirol** egitura sendotzeko direnean (481 02 03 partida zk.).

Diru-laguntzak ematerakoan, herriko **kirol** talde edo elkarteak hartuko dira kontuan, ondoko irizpideen arabera:

— Bere esparruan taldeak izandako ibilbidea, jarraipena eta egonkortasuna, parte-hartzaile kopurua, iraupena, jardueraren esparrua eta zabalkundea. Gehienez, 40 puntu.

- Egitasmoen edo jardueren kalitatea. Gehienez, 40 puntu.
- Adin eta genero guztietarako plangintza. Gehienez, 40 puntu.

Diru-laguntza emateko, ezinbestekoa izango da **Kirol** Patronatuarekin Eskola **Kirolean** elkarlanean aritzea, ekintza guztietan euskararen erabilera bermatzea eta puntuaketari dagokionez, gutxienez 60 puntu lortzea.

6. Eskaintza bereziak direnean (Laguntza bereziak 482 04 partida zk.)

Aldian behineko **kirol** jardueretarako diru-laguntzak ematerakoan hauek hartu dira kontuan:

- Egitasmoaren edo jardueraren kalitatea. Gehienez, 40 puntu.
- Bere esparruan taldeak izandako ibilbidea, jarraipena, egonkortasuna eta jarduera antolatzeko azpiegitura eta giza baliabideak. Gehienez, 40 puntu.
- Aurkeztutako egitasmoa herritarrei zabaltzea. Gehienez, 40 puntu.
- Parte-hartzaile kopurua, iraupena, **kirol** maila, jardueraren esparrua eta zabalkundea. Gehienez, 40 puntu.
- Jardueraren finantziazioa. Gehienez, 40 puntu.

Dirulaguntza emateko, ezinbestekoa izango da, ekintza guztietan euskararen erabilera bermatzea eta puntuaketari dagokionez, gutxienez 80 puntu lortzea.

**Kirol** jarduera arruntetik kanpo, kanpoan egonaldi baterako laguntza eskatzen denean, bidaiaren erdia ordainduko du **Kirol** Patronatuak horrela irizten dionean eta partidaren zenbatekoa gainditzen ez denean.

#### *9. artikulua. Diru-laguntza ordaintzea.*

Diru-laguntza eman dela jakinarazi bezain laster, diru-laguntzaren %50a ordainduko da, eta horretarako ez zaie inongo bermerik eskatuko onuradunei. Gainerako %50a, eman deneko diru-laguntza justifikatu ondoren ordainduko da. Eta kontuan izango dira, halaber, ordenantzaren 12. artikuluan aipatzen diren aspektu guztiak.

#### *10. artikulua. Betebeharrak.*

Deialdi honetako diru-laguntzak jaso dituzten entitate onuradunek, Usurbilgo Udalaren diru-laguntzak eta bestelako laguntzak arautzen dituen Ordenantzaren 6. artikulua ezartzen dituen betebeharrak bete beharko dituzte. Besteak beste, ondorengo hauek:

- a) Diru-laguntza emateko eskatzen den jarduera egitea edo eskatutako jokabide hori izatea.
- b) Jarduera egiten ari dela frogatzea. Orobat, laguntza emateko bete beharreko eskakizunak eta baldintzak betetzen dituela egiaztatzea.
- c) Diruz lagundutako jarduera betetzeko baimen guztiak eskuratzea, eta horietan ezarritakoa betetzea.

d) Diru-laguntza eskaini duen Usurbilgo Udalak egin beharreko egiaztatze-jarduketei trabarik ez jartzea, ez eta Esku-hartzailetzari dagozkion finantza-kontrolako jarduketei, Herri Kontuen Euskal Epaitegiaren jarduketei edota eskumen hori duten bestelako organoen jarduketei ere.

e) Beste administrazio edo erakunde batzuetatik –publiko nahiz pribatuetatik, estatuko nahiz nazioartekoetatik– helburu berbererako beste diru-laguntzarik jasotzen bada, diru-laguntza eskaini duen organoari horren berri ematea.

f) Diru-laguntza eskaintzeko garaian kontuan hartutako atalen batean aldaketarik gertatuz gero –objektiboa nahiz subjektiboa izan–, diru-laguntza eskaini duen organoa aldaketa horren jakinarekin gainean jartzea.

g) Indarrean dauden xedapenen arabera Gizarte Segurantzaren eta Ogasun Publikoaren aurrean dituzten —betebeharrak ezagutzea— Usurbilgo Udalak ezarritakoak barne.

Horretarako, eskatzaileek idatzizko aitortzen adieraziko dute Gizarte Segurantzarekiko betebeharrak egunera dagoela edo Ogasun Arloko betebeharrak betetzen dituela.

h) Diruz lagundutako jarduerari buruz, pertsona onuradunak euskara edo euskara eta gaztelania erabili beharko du argitaratutako iragarki, ohar, jakinarazpen eta abarretan.

Era berean, diruz lagundutako jarduerak Euskararen Udalen Ordenantza, Usurbilgo Udalaren Euskararen Erabilera Plana, gainerako araudia eta Usurbilgo herriaren errealitate soziolinguistikoa aintzatzat hartuko du.

Dirulaguntza-gai den ekintzako hizlaria euskalduna ez balitz, behintzat laguntzaile euskalduna izan beharko du, euskaldunen hizkuntza eskubideak ere errespetatu daitezkeen. Gainera, diruz lagundutako jardueran diharduela egiaztatzerakoan, hizkuntza-betebehar hori betetzen duela frogatu beharko du onuradunak.

i) Ekintzei lotutako publizitatean Usurbilgo Udalaren babesletza adierazi beharko da, udalaren logoa erantsiz.

### *11. artikulua. Diru-laguntza justifikatzea.*

Diru-laguntza justifikatzeko, entitate edo pertsona onuradunak jarraian zehazten den dokumentazioa aurkeztu beharko du, 2010eko urtarrilaren 8a baino lehenago.

a) Egindako jardueraren memoria (IV. Eranskinaren arabera), ahalik eta zehatzena. Bertan, diru-sarrerak eta gastuak erantsiko dira.

b) Gastuaren egiaztapen originalak edo fotokopia konpultsatuak. Egiaztapen hauek, ezinbestez, diru-laguntza eman zeneko helburu eta ekintzei dagozkien gastuei buruzkoak beharko dira izan. Ez dira onartuko beste helburu batzuetarako egindako gastuen egiaztapenak. Justifikazioa egiterako orduan kontuan hartuko da diru-laguntza emateko orduan oinarritutako hartu zen gastuaren aurrekontua, eta benetako gastua. Proporzionaltasunaren araua aplikatuko da, beti ere emandako dirulaguntzaren mugaraino.

c) Justifikazioari honakoak erantsi beharko zaizkio: Azterketa, programa, publikazio eta horma-irudi iragarleen bi ale. Halaber, jardueraren inguruan sorturiko edozein eratako dokumentazio grafiko zein idatzizko Usurbilgo Udala agertu beharko da jardueraren babesle moduan egingo den publizitate guztian.

Fakturetan hauxe agertuko da:

- Erakundearen edo/ta elkartearen identifikazioa.
- Hornitzailearen identifikazioa.
- Fakturaren data.
- Jarduera
- Zerbitzuaren deskripzioa.

Dirulaguntzaren bidez egiten den jarduera antolatzeagatik ez da diru-saririk jasoko.

#### *12. artikulua. Dirua itzultzea.*

Deialdi honetako 10. artikulua b) paragrafoak ezartzen duena betez, diru-laguntza eman deneko jardueraren gastuaren aurrekontuari dagokion gastua justifikatzen ez bada, diru-laguntza osoa edo zati bat eta dagokion berandutze-interesa itzuli beharko da, halaxe ezartzen baitu Usurbilgo Udalaren diru-laguntzak arautzen dituen Ordenantzaren bereko 15.artikulauk eta, beti ere, Ordenantza bereko 16.artikuluak arautzen duen prozedura jarraituz.

#### *13. artikulua. Araudi osagarria.*

Deialdi honek ezartzen ez duenari dagokionez, aintzat hartuko da Usurbilgo Udalaren diru-laguntzak arautzen dituen Ordenantzak ezartzen duena. Eta Herri Administrazioetako Dirulaguntzak arautzen dituen 38/2003 Legearen xedapenak.